

ծունեայ մարդու անվաստակելի եռանդը: Նա գործերի մեջ չէր խառնուում. գործը, լարոած մեքենայի նման, իր կարգով շրջան էր առնում. միայն երբեմն դիմում էին նրան այս եւ այն հարցերով: Նա այդ առեւտրական տան տերն էր եւ նրա կառավարիչը:

Նրա մօտ նստած էր մի այլ պարոն, ոտքից գլուխ սեւ հագուստի մեջ. ձեռքում պտտեցնում էր նոյնպէս սեւ, լայնեզրեայ գլխարկը, որ երբեմն գնում էր գաւազանի գլխին, փոքր-ինչ հանգստանալու համար: Այդ պարոնը նոյնպէս մօտեցել էր ծերութեան. մօրուքի եւ գլխի մագերի մեջ սեւ գոյները հազիւ էին նշմարուում: Նրա խաղաղ դէմքը, երեխայի դէմքի նման, ամէն րոպէ ժպտում էր, երբ փոքր ի շատէ ուրախացուցիչ բան էր լսում: Ինչպէս երեւում էր, նա վաճառականի հին ծանօթ էր եւ, Բաղէշից նոր եկած լինելով այդ քաղաքը, եկել էր նրան այցելութիւն անելու:

– Ներեցէ՛ք, բարեկամ, – առաջ տարաւ վաճառականը, տեղից վերկենալով եւ կրկին խրոտելով մեծ բազկաթոռի մեջ, – ահա՛ իմ հագուստը ոտքից գլուխ պատրաստոած է տեղային գործածքներից, ասացէք խնդրեմ՝ ինչո՞վ է վատ: Իրաւ է, երոպական գործածների նրբութիւնը չունեն, բայց դրա փոխարէն աւելի դիմացկոտ են եւ էժան: Եթէ մեզանից իւրաքանչիւրը փոքր-ինչ զսպէր իրան պճնասիրութիւնից եւ բաւականանար տեղային գործածներով, այլեւս մեր փողը Եւրոպան չէր տանի, մեր փողը մեր երկրում կը մնար:

– Միթե՞ այնքան չէ ծախուում, – հարցրեց բաղէշցի նորեկը:

– Այժմ, պէտք է ասած, բաւական սպառում է, – պատասխանեց վաճառականը, ձեռքը դէպի ճակատը տանելով, կարծես նոյն րոպէում կամենում էր հաշտել արդեօք չէ՞ր սխալուում իր պատասխանի մեջ: – Բայց գիտե՛ք, բարեկամ, թէ որքա՛ն աշխատութիւն էր պէտք, որքա՛ն զոհողութիւն էր պէտք, մինչեւ ես կարողացայ մեր հասարակութեանը ընտելացնել մեր արդիւնաբերութեան գործածութեան հետ:

Բաղէշցու դէմքի վրայ փայլեց մի սրտագին ուրախութիւն:

– Դուք այն ասացէք, – հարցրեց նա, – արտահանութիւն դէպի օտար երկրներ լինո՞ւմ է:

– Ինչպէս չէ: Մեր գործածները այժմ տանում են Պարսկաստան, Միջին Ասիայի զանազան կողմերը, այլեւ Անդրկովկասի զանազան քաղաքները: Ահա, ես հասկանում եմ այսպիսի վաճառականութիւնը: Մինչեւ այսօր, մենք իսկապէս վաճառականներ չէինք, թէեւ մեզ վաճառական ազգ էին կո-